

U skladu sa odredbama člana 90. Zakona o Javnim nabavkama ("Službeni glasnik BiH broj 39/14") i Pravilnika o utvrđivanju postupka i provođenju direktnog sporazuma Javne ustanove Prva osnovna škola Ilidža i Odluke broj: 38-247-3/17 od 20.04.2017. zaključuje se

UGOVOR o direktnom sporazumu između

JU PRVA OSNOVNA ŠKOLA ILIDŽA sa sjedištem u Ilidži, ulica Mala aleja br.15, ID 4200158610004, (u daljem tekstu: Naručilac posla), koju zastupa direktor Arif Čelović.

i
„**HOŠE KOMERC**“ d.o.o Sarajevo sa sjedištem u Sarajevu - Ilidža, ulica Ustanička 41, ID broj: 4200442500057; PDV broj: 200442500057 (u daljem tekstu: Isporučilac posla) koga zastupa Izet Bozalija.

PREDMET UGOVORA

Član 1.

Predmet ovog Ugovora je nabavka i sukcesivna isporuka **materijala za čišćenje** u količinama i rokovima koji su potrebni za normalno funkcionisanje Ugovorenog organa tokom 2017. godine, a u skladu sa raspoloživim sredstvima predviđenim Budžetom za 2017. godinu i planom javnih nabavki za 2017. godinu.

ODREDBE O CIJENI

Član 2.

Vrijednost nabavke i sukcesivne isporuke isporuka materijala za čišćenje je **2.000,00 KM** (Slovima: **dvije hiljade KM**) bez uračunatog PDV-a.

VRIJEME TRAJANJA UGOVORA

Član 3.

Ugovor se zaključuje za 2017. godinu i traje do 31.12.2017. godine.

OBAVEZE UGOVORNIH STRANA

Član 4.

Isporučilac posla se obavezuje da će za potrebe Naručioaca posla izvršiti sljedeće poslove: dostaviti robu iz člana 1. ovog Ugovora sukcesivno od dana potpisivanja ugovora do 31. 12. 2017. godine prema narudžbama i ponuđenim cijenama sa uračunatim PDV-om.

Član 5.

Isporučilac posla se obavezuje da će naručenu robu dostavljati u sjedištu Naručioaca posla, u ulici Mala aleja broj 15., Ilidža.

Član 6.

Naručilac posla se obavezuje da će Isporučiocu posla prema narudžbama i ponuđenim cijenama sa uračunatim PDV- om u roku od 15 dana izvršiti plaćanje fakture, a sve u skladu sa mogućnostima Trezora Kantona Sarajevo.

ORIGINALNOST, NOVOPROIZVEDENOST I NEKORIŠTENOST OPREME

Član 7.

Isporučilac garantuje da je roba koja je predmet ovog ugovora novoproducirana, originalna i nekorištena. U suprotnom isporučilac preuzima sav rizik, troškove, odgovornost i prihvata povrat.

ODREDBE O RASKIDU UGOVORA

Član 8.

- Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.
- Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatra se ono koje bitnije ne otežava ostvarivanje svrhe ovog ugovora.
- Izjava o raskidu ugovora daje se pismeno.
- Ugovorna strana koja je osnovano, jednostrano, raskinula ugovor ima pravo na naknadu štete prema opštim pravilima obligacionog prava o naknadi štete.
- Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.
- Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

VIŠA SILA

Član 9.

Ako slučaj više sile potpuno ili djelimično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

Za vrijeme trajanja više sile obaveze Naručioaca i Isporučioaca po ovom Ugovoru miruju, ne primjenjuju se odredbe o ugovornoj kazni definisane članom 7. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

- Ukoliko slučaj više sile bude trajao duže od 30 (trideset) dana, Naručilac i Isporučilac će se sporazumijeti o daljoj sudbini Ugovora. Ukoliko se isti ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

RJEŠAVANJE SPOROVA

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ugovorne strane su saglasne da se na sva pitanja koja nisu regulisana ovim ugovorom primjenjuju odredbe Zakona o obligacionim odnosima.

OSTALE ODREDBE

Član 12.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

Član 13.


Ovaj ugovor stupa na snagu danom potpisivanja od strane ovlaštenih lica ugovornih strana.

Član 14.

Ovaj ugovor je sačinjen u 4 (četiri) istovjetna primjeraka od kojih Naručilac zadržava 2 (dva), a Isporučilac dva (2) primjerak ugovora.

UGOVORNE STRANE

DIREKTOR
„HOŠE KOMERC“ d.o.o. Sarajevo



/Izet Božalija/

MP

Broj: 15052/17
Ilidža, 15.05. 2017. godine



DIREKTOR ŠKOLE
JU „PRVA OSNOVNA ŠKOLA“ ILIDŽA


/Arif Čelović, prof./

MP
Broj: 38-283/17
Ilidža, 15.05.2017.godine